



7

DEKLARÀCIA VASH O HAKAIJA

Dino jekhe tiknesqe inkerdo/ savo si astardo,
savo si pandlo
(Tikno maškar 10 aj 13 berš)

O informàcie po tele si te oven phendine tuqe ande jekh čhib kaj halöves.

Šaj te inkeres akava dokumènti sa o vaxt kana inkëren tut pučhläripnasqe

San zanavd/o/i kaj čhite tut k-o inkerimos odolesqe so varesave butënθar šaj te patäl pes kaj kerdän ja zumavdän te keres phaglipe e zakonesqo, savo pal-o zakòno šaj te legarel e manušes k-o phandlimos minimum 5 beršenqe.

Si tut hakaj/pràvo/drèpto te zanes i kualifikàcia, i dàta aj o than kaj patäl pes so kerdän i infràcia saväqe akuzonen/ soske pandle tut thaj o aša sosqe čhivde tut k-o inkeripe.

Ka pučhen tut pal akala ondimàta/fàkte k-o vaxt so inkeren tut, ži k-o dešuduj čàsura.

Pal akava vakti, o Prokuròri e Republikaqo (ja o krisärno e investigaciaqo ja o krisärno e tiknenqo) šaj te lel decizia te lungärel o inkërimos pànda dešuduj čàsura. Normal, ka legaren tut anglal akava krisärno savo ka pučhel tut, šaj vi kameraça p-o internet.

Kana agordel o inkerimos, sar phenel i decizia e Republikaqe prokuroresqi (ja e investigaciaqe krisärnesqi ja e tiknenqe krisärnesqi), ja ka bičhalen tut k-o krisärno, ja ka mukhen tut.

Žanaven tut vi kaj si tut hakaj/drèpto/pràvo te:

žanaves varesave manušen kaj astarde tut

Jekh šingalo ka phenel te dadesqe/dajaqe ja te tutoresqe, ja e manušesqe ja e domosqe kaj bešes kaj tut line aj inkeren k-o pučhläripe.

Te san avrutn/o/i, šaj te žanaves e avtoritète k-i konsulàta e Themesqi kotar san.

O Prokuròri e Republikaqo (ja o krisärno e investigaciaqo ja o krisärno e čhavenqo) šaj te phenel na, te refuzil te manglimàta, kana dikhel kaj si maj mišto kadiäl vaš i ankèta. Normal, akala butä si te oven kerde andre k-o trin čàsura kotar o momènti so manglan len, nùmaj kana naštil pes, šaj vi maj palal.

Te dikhel tut jekh doktòri

O prokuròri e Republikaqo (ja o krisärno e investigaciaqo ja o krisärno e tiknenqo) avtomatik si te bičhalel tut k-o jekh doktòri te dikhlärel tut. Te lungärde o inkerimos, o prokuròri e Republikaqo (ja o krisärno e investigaciaqo ja o krisärno e tiknenqo), avtomatik si te bičhalel tut palpalem k-o doktòri te maj dikhlärel tut.

Te keres deklaràcie, te des anglal o pučhimàta ja te na des dùma, te na vakeres khanć

Pala so phendan kon san, katar san, kana thaj kaj biandilan, k-o pučhlärimàta, si tut hakaj/pràvo/drèpto:

- Te keres deklaràcie,
- Te des anglal o pučhimàta so pučhen tut,
- Ja te na vakeres khanć.

Te ovel tut avokàti

Alosaripe e avokatesqo

Kotar o sírd e inkerimasqo thaj, te lungärde les, kotar o sírd e lungärimasqo, šaj te manges te ovel tut jekh avokàti savo alosares tuke tu. Kana na pinzares avokates ja kana o avokàti so alosardan našti te lel pes kontàkti leça, šaj te manges jekh avokàti kotar o them, bi lovenqo.

Te avokates šaj te arakhen aj te alosaren les vi to dad/ti dej ja to tutòri, ja o manuś ja o dòmo kaj beśes.

Te na, o šingalo ja o prokuròri e Republikaqo (ja o krisårno e investigaciaqo ja o krisårno e tiknenqo) ka mangel te ovel tut jekh avokàti bi lovenqo te avel paše tuše.

Ažutipe e avokatesqo aj vaxt kana ov avel

O avokàti:

- ka del duma tuça 30 minùte bi te šunel tumen khonik aver;
- ka bešel tuça kana pučhlären tut aj kana čhiven tut avere manuśença te mothoven so sas.

To 1^{to} pučhläripe, khrigal kana pučhen tut sadaj pala ti identiteta, našti te širdel bi te ovel o avokàti paše tuše anglal so te nakhen duj çasurå kotar o momènti kana phende lesqe kaj tu manglan les te avel Madikh sa, to 1^{to}pučhläripe šaj te širdel jekhal, imediat, vi bi avokatesqo, kana mukhel o prokuròri e Republikaqo (ja o krisårno e ionvestigaciaqo ja o krisårno e tiknenqo), dikhindor kaj si trebutno vaś i anketa.

Kana o avokàti arešel kana tu san e šingalença save pučhlären tut, korkorro ja avere manuśença, o pučhläripen ačhavdöl kaj te šaj dikhes tut e avokateça te des duma leça.

Kana musaj thaj ekcepcional, o prokuròri e Republikaqo (ja o krisårno e investigaciaqo ja o krisårno e tiknenqo) thaj o krisårno e mukhlimasqo aj e phandlimasqo šaj te ispidel i prezènca e avokatesqi k-o pučhlärimos ži k-o 12 çasurå, aj pànda jekh drom 12 aver çasurå.

Ažutipe kotar jekh rinčhibårno/tromaci

Te na vakerdån ja te na halövdan francikanes, si tut hakaj/drèpto/pråvo te ažutinel tut bi lovenqo jekh rinčhibårno/tromaci k-o pučhlärimata thaj kana des duma te avokateça.

Hakaj/pråvo/drèpto te manges te mukhen tut

Šaj te manges kotar o prokuròri e Republikaqo ja kotar o krisårno e investigaciaqo ja o krisårno e tiknenqo, te na maj lungärel o inkeripe, k-o momènti kana ov lel i decizia pe akava.

Akcèsi/dromandre k-o varesave lila tire dosaresθar

Tu korkorro ja to avokàti šaj te manges te dikhes, anglal so te lungären eventual to inkeripen:

- o proces verbåli e žanavimasqo kaj čhite tut k-o inkeripe;
- o certifikato ja o certifikate pal o sastipe so kerda o doktòri kana dikhla tut.
- o proces-verbåli ja o proces-verbålå e pučhlärimatenqe.

Te phenen tuqe so ovèla e proceduraça

Kana pal-o inkeripe k-o pučhlärimos mukhen tut bi te ovel nijekh decizia kotar o prokuròri e Republikaqo, šaj te pučhes les, 6 čhon pala so mukhle tut, so si les godi te kerel akale butåça ande savi phandle sas tut pučhläripnasqe.